


集部輯佚文獻彙編

翟金明 主編




國家圖書館出版社

61



集部輯佚文獻彙編

61



翁中 題

中華書局出版

(南朝宋)謝靈運撰

謝康樂集

明崇禎十一年(1638)香谷山房刻《漢魏別解·南北朝文》本

第六十一冊目錄

別集(六十一)

南朝宋(四)

謝康樂集 (南朝宋)謝靈運撰.....一

謝康樂集 (南朝宋)謝靈運撰 (明)葉紹泰輯.....一五

謝靈運文抄一卷 (南朝宋)謝靈運撰 (明)李賓輯.....二五

宋謝康樂集二卷 (南朝宋)謝靈運撰 (清)卓爾堪等輯

序.....九三

傳.....九五

總論.....一〇七

目錄.....一一五

卷一.....一二三

卷二.....一四七

謝康樂詩三卷 (南朝宋)謝靈運撰

卷一 一七九

卷二 二〇三

卷三 二五三

謝康樂詩三卷 (南朝宋)謝靈運撰

總目 三〇一

卷一 三〇三

卷二 三二七

卷三 三七七

謝靈運 (南朝宋)謝靈運撰 (清)嚴可均輯

四二五

謝康樂集五卷 (南朝宋)謝靈運撰

本傳 五一

目錄 五一七

卷一 五二七

卷二 五四一

卷三 五五七

卷四

.....

五七三

卷五

.....

五八九

謝靈運

(南朝宋)謝靈運撰

丁福保輯

.....

六一九

南北朝文別解卷之十三

古杭黃 謝仲霖
携李葉紹泰來甫 全選

宋文

謝康樂集

謝封康樂侯表

謝靈運

昔強氏暴虐○恃僭曆紀○既噬五都○志吞六合○遂陷沒西河○傾覆南漢○
凌藉紀郢○跨越淮泗○於時策盡○惟疑地險○已謝威懼○君臣同泯○有生
無餘○亡祖奉國威靈○董符戎重○盡心所事○尅黜禍亂○功參盤鼎○胙土

南服。逮至臣身。值遭泰路。日月改暉。榮落代運。輸稅唐化。生幸無已。
不悟天道。下濟鴻均。曲成。迺眷遐績。式是興微。分虎鉅龜。復顯茅土。
鳴玉拖紱。班景元勛。澤。注德恩。覃來胤。永惟先蹤。遠感崩結。豈臣
尪弱。所當忝承。臣聞全公無私。甄善則一。皇恩遠被。殘代可侔。是以
信陵之賢。簡在高祖之心。望諸之道。復獲隆漢之封。觀史歎古。欽茲
盛美。豈謂榮渥。近霑微躬。傾宗殞元。心識其會。酌恩答厚。罔知所由。
葉紹泰曰。謝玄有功晉室。自當以世襲封。而靈運博學。屬末名冠。
江左。觀此表。不忝祖風矣。

詣關上表

謝靈運

臣自抱疾歸山於今三載居非郊郭事乖人間幽棲窮巖外緣兩絕
守分養命庶畢餘年忽以去月二十八日得會稽太守臣顗二十七
日疏云比日異論噂沓此雖粗了百姓不許寐默今微為其防披疏
駭惋不解所由便星言奔馳歸骨陛下及經山陰防衛彰赫彭排馬
槍斷截衢巷偵邏縱橫戈甲竟道不知微臣罪為何事及見顗雖曰
見亮而裝防如此唯有固惧臣昔忝近侍豫蒙天恩若其罪迹炳明
文字有證非但顯戮司敗以正國典普天之下自無容身之地今虛
聲為罪何酷如之夫自古讒謗聖賢不免然致謫之來要有由趣或

輕死重氣。結黨聚輝。或勇冠鄉邦。劍客馳逐。未聞姐豆之學。欲為逆節之辜。山棲之士。而構陵上之釁。今影迹無端。假謗空設。終古之酷。未之或有。匪吝其生。實悲其痛。誠復內省不疚。而抱理莫申。是以牽曳疾病。束駭歸歎。仰憑陛下天鑒曲臨。則死之日。猶生之年也。臣憂怖彌日。羸疾冀動。尸存恍惚。不知所陳。

葉紹泰曰。唐樂請決二湖。志存利民。而孟顓事佛精懇。以傷生命。遂構仇誣。叛戢兵自防。非宋祖之明鮮不陷矣。

勸伐河北書

謝靈運

自中原喪亂。百有餘年。派離寇戎。湮沒殊類。先帝聰明神武。哀濟群生。將欲盪定趙魏。大同文軌。使久凋反於正化。偏俗歸於華風。運謝事乖理違。願絕仰德。抱悲恨存生。盡況陵塋未幾。凶虜伺隙。預在有識。誰不憤歎。而景平執事。並非其才。且遘紛京師。豈慮託付。遂使孤城窮陷。莫肯拯忠烈。囚胡漢。繇河三千。翻為寇有。晚遣鎮戍。皆先朝之所開拓。一旦淪亡。此國恥宜雪。被于逆事者也。又北境自渠逆虜窮苦。備罹徵調賦歛。靡有止已。所求不獲。輒致誅殞。身殉家破。闔門比屋。此亦仁者所謂傷心者也。咸云西虜舍末。遠師隴外。東虜乘虛。

呼可掩襲西軍既反得據關中長圍咸陽還路已絕雖遣救援停住
河東遂乃遠討天城欲為首尾而西寇深山重阻根本自固徒棄巢
窟未之相拯師老於外國虛於內時來之會莫復過此觀兵耀威實
在茲日若相持未已或生事變忽值新起之衆則異於今苟垂其時
難為經略雖兵食倍多則萬全無必矣又歷觀前代類以無弱為本
古今聖德未之或殊豈不以天時人事理數相得興亡之度定期居
然故古人云既見天殃又見人災乃可以謀昔魏氏之彊平定荆冀
乃乘袁劉之弱晉氏之盛拓開吳蜀亦因葛陸之衰此皆前世成事
著於史策者也自堯乎之後天下亦謂虜當俱滅長驅瀚臺席卷下

城奪氣喪魄。指日就盡。但長安違律。潼關失守。相緩天誅。假延歲月。目來至今。十有二載。是謂一紀。曩有前言。况五胡代數。齊世虜期。餘命盡於來年。自相攻伐。兩取其困。卞莊之形。驗之今役。仰望聖澤。有若飢渴。注心南雲。為日已久。來蘇之冀。實歸聖明。此而弗棄。後則未兆。即日府藏。誠無兼儲。然凡造大事。待國富兵強。不必樂會。於我為易。貴在得時。器械既充。衆力粗足。方於前後。乃常有優。常議損益。久證冀州口數。百萬有餘。田賦之沃。著自貢典。先才經創。基址猶存。澄流引源。桑麻救野。彊富之實。昭然可知。為國長久之計。孰若一注之費。邪。或懲關西之敗。而謂河北難守。二境形勢。表裏不同。關西雜居。

種類不一○昔在前漢屯軍霸上○通火甘泉○况乃遠戍之軍○值新故交代之際者乎○河北悉是舊戶○差無雜人○連嶺判阻○三關作隘○若遊騎長驅○則沙漠風靡○若嚴兵守塞○則冀方山固○昔隴西傷破○晁錯興言○匈奴慢侮○賈誼憤歎○方於今日○皆為賒矣○晉武中主耳○值孫皓虐亂○天祚其德○由鉅平奉策○荀賈折謀○故能業崇當年○區宇一統○况今陛下聰明聖哲○天下歸仁○文德興武功○並震霜威○共素風俱舉○協以宰輔賢明○諸王叢令○岳牧宣烈○庶臣盈朝○而天威遠命○亦何敵不滅矧伊頑虜○假日而已○裁伏惟添機志務久定○神謨臣卑賤側陋○竄景嚴穴○實仰希太平之道○傾觀戴宗之封○雖乏相如之筆○庶免史談之

憤以此謝病京師。萬無恨矣。久欲上陳。俱在觸置。蒙賜恩假。暫違禁
省。消渴十年。常慮朝露。抱此愚志。昧死以聞。

葉紹泰曰。昔宋祖急於篡晉。捐棄長安。而中原遂不可復。論者傷
之。康樂發憤。以河北未平為念。其示便利審時。勢有益兵謀者
也。

抄房角

卷十三

香名山房

與廬陵王義真書

謝靈運

會稽既豐山水。是以江左嘉遯。並多居之。但季世慕榮。幽栖者寡。或
復才為時求。弗獲從志。至若王弘之拂衣歸耕。踰歷三紀。孔淳之隱
約窮幽。自始迄今。阮萬齡辭事就閒。纂成先業。浙河之外。栖遲山澤。
如斯而已。既遠同義。唐公激貪厲競。殿下愛素好古。常若布衣。每意
管閒。虛想巖穴。若遣一介。有以相存。真可謂千載盛美也。

葉紹泰曰。康樂移籍會稽。與隱士輩縱放為娛。致足樂矣。其後又
自始寧南山伐木開徑。直至臨海。不亦橫肆乎。卒以取禍。斯亦
浪游之鑒也。